



DEPUTACIÓN PROVINCIAL  
A CORUÑA

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039302

**RESOLUCIÓN POLA QUE SE MODIFICA A RESOLUCIÓN 2019/8519, DE 6 DE MARZO, POLA QUE SE APROBARON AS BASES DA CONVOCATORIA DO XIX PREMIO “RAFAEL DIESTE” DE TEXTOS TEATRAIS**

**DON VALENTÍN GONZÁLEZ FORMOSO, Presidente da Deputación Provincial da Coruña,**

Vista a base 6ª da convocatoria, na que se establece o prazo no que terá lugar a decisión do xurado, e tendo en conta que por motivos de carácter organizativo non é posible que o fallo se produza no prazo previsto.

Visto o informe do Servizo de Acción Social, Cultural e Deportes.

**RESOLVO:**

Modificar a resolución nº 2019/8519, de 6 de marzo, pola que se aprobaron as bases da convocatoria do **XIV Premio “Rafael Dieste” de Textos Teatrais**, no senso seguinte:

**Onde dí:**

A decisión do xurado terá lugar no **segundo trimestre de 2019** e será dada a coñecer a través do taboleiro de anuncios e na páxina web da Deputación.

**Debe dicir:**

A decisión do xurado terá lugar no **segundo semestre de 2019** e será dada a coñecer a través do taboleiro de anuncios e na páxina web da Deputación.

Polo tanto, o texto definitivo da resolución é o seguinte:

Despois de ver os informes dos servizos de Acción Social, Cultural e Deportes e de Fiscalización

**RESOLVO:**

**1º.-** Aprobar as bases da convocatoria do **XIX Premio “Rafael Dieste” de Textos Teatrais** e de acordo co texto seguinte:

**XIX Premio “Rafael Dieste” de Textos Teatrais**



**DEPUTACIÓN PROVINCIAL  
A CORUÑA**

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039302

Coa intención de incentivar a creación literaria en lingua galega no campo teatral, que constitúe unha das expresións artísticas con maior incidencia social, e en lembranza do xenial escritor e dramaturgo rianxeiro, a Deputación Provincial da Coruña convoca o *XIX Premio "Rafael Dieste" de Textos Teatrais*, de acordo coas seguintes:

**BASES**

**Primeira.-**

Poderán participar todas as persoas, maiores de idade, que non fosen premiadas nos cinco anos anteriores a éste, e que presenten obras de teatro escritas en lingua galega, inéditas e non premiadas en ningún outro premio ou certame.

**Segunda.-**

Establécese un premio dotado con **6.500 €**, que poderá quedar deserto e ser concedido con carácter ex aequo. Neste caso, o seu importe repartirase proporcionalmente entre as persoas que resulten premiadas.

Esta cantidade está suxeita ás retencións legais que lle sexan aplicables.

A Deputación publicará a/s obra/s premiada/s, reservándose durante un prazo de dezoito meses, que se contarán dende a data da concesión do premio, os dereitos de editala/s e de representala/s. Ademais entregará á/s persoa/s gañadora/s trinta exemplares.

A Deputación, nos dezoito meses seguintes á data da decisión do premio desenvolverá un procedemento para a selección de propostas e garantir a montaxe e a representación da/s obra/s premiada/s por parte dunha compañía teatral galega, sen que isto supoña compensación complementaria ningunha para a/s persoa/s autora/s.

**Terceira.-**

O tema e a extensión da/s obra/s será libre.

A presentación realizarase, preferentemente, en formato dixital, por medio dun CD que incluírá na carátula a seguinte inscrición: *XIX Premio "Rafael Dieste" de Textos Teatrais*, título da obra e o lema ou pseudónimo do/a autor/a; o tratamento de texto será Word, OpenOffice ou PDF.

No caso de optar pola presentación en papel, a obra será presentada por duplicado, en exemplares separados, tamaño DIN A 4, e impresos polas dúas caras, ademais deberán estar numerados, grampados ou encadernados.

A presentación realizarase baixo o sistema de plica, polo que a obra será enviada achegada dun sobre á parte; no exterior do sobre figurará o título da obra e o lema ou pseudónimo do/a autor/a; no seu interior incluírase a documentación seguinte:

- copia do documento de identidade
- o enderezo, un teléfono de contacto, un correo electrónico



**DEPUTACIÓN PROVINCIAL  
A CORUÑA**

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039302

- un breve currículo
- declaración de que a obra é inédita e que non foi premiada, até a data de presentación, en ningún outro certame ou premio
- un escrito no que manifieste a súa conformidade coa cesión dos dereitos de edición da obra (incluídos os de publicación, distribución e explotación) por un prazo de dezoito meses desde a data da concesión do premio
- declaración de consentimento expreso para o tratamento dos datos persoais que constan na solicitude para a participación no **XIX Premio “Rafael Dieste” de Textos Teatrais**, de conformidade co establecido na Lei Orgánica 3/2018, de 5 de decembro de Protección de Datos Persoais e de garantía dos dereitos dixitais.

**Cuarta.-**

O prazo de presentación de orixinais comezará o día seguinte ao de publicación desta convocatoria no Boletín Oficial da Provincia e rematará o día **5 de abril de 2019**.

As obras enviaráanse á Deputación da Coruña, Avda. Porto da Coruña, 2, 15003 A Coruña, indicando no sobre XIX Premio “Rafael Dieste” de Textos Teatrais.

**Quinta.-**

O xurado estará presidido pola persoa que ocupe a Presidencia da Deputación ou persoa en que delegar e formarán parte del cinco persoas de recoñecido prestixio no ámbito no eido teatral e literario galego, nomeadas por ela. As funcións de secretaría exerceraas o secretario da Corporación, ou a funcionaria ou funcionario en que delegar.

A composición do xurado darase a coñecer, con anterioridade á súa reunión, no taboleiro e na páxina web da Deputación ([www.dacoruna.gal](http://www.dacoruna.gal)), co fin de que se poidan interpor, se é o caso, os recursos legais pertinentes.

**Sexta.-**

As persoas participantes terán a obriga de comunicarlle á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do concurso.

O xurado actuará en pleno, en sesión a ser posible única, sendo necesaria a asistencia da maioría simple dos seus membros. Para os efectos da validez da súa constitución aplicarase o disposto no art. 17 da *Lei 40/2015, de 1 de outubro, de rexime xurídico do Sector Público*.

As deliberacións serán secretas e delas será redactada a acta correspondente.

Sendo un dos obxectivos deste concurso a representación da obra premiada, serán valorados positivamente os factores que incidan na súa viabilidade escénica: número de personaxes, condicións técnicas, etc.



**DEPUTACIÓN PROVINCIAL  
A CORUÑA**

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039302

O xurado presentará a súa proposta ao presidente da Deputación, que é o órgano competente para conceder o premio.

A decisión do xurado terá lugar no **segundo semestre de 2019** e será dada a coñecer a través do taboleiro de anuncios e na páxina web da Deputación.

Se hai finalista, a plica correspondente á obra poderá ser aberta pola persoa que exerza a secretaría do xurado co fin de que, se a persoa autora o permite, poida darse a coñecer o seu nome.

**Sétima.-**

Non se devolverán os orixinais non premiados que, a partir do día seguinte á decisión do xurado, serán destruídos.

**Oitava.-**

A participación nesta convocatoria supón a total aceptación destas bases.

**Novena.-**

Os datos subministrados teñen a finalidade de poder tramitar esta convocatoria e están protexidos pola Lei Orgánica 3/2018, de 5 de decembro de Protección de Datos Persoais e garantía dos dereitos dixitais O responsable do tratamento dos datos é a Deputación Provincial da Coruña, e o encargado será a empresa contratada pola Deputación Provincial para coordinar o premio, no caso de se contratar. A lexitimación para o tratamento dos datos persoais contidos nesta solicitude é o consentimento que o asinante outorga á Deputación Provincial coa súa firma. No caso de que sexa denegado o consentimento para o tratamento dos datos persoais, non poderá presentarse ao premio por imposibilidade de tramitación da solicitude. O destinatario dos datos é a Deputación Provincial que non cederá datos a terceiros, salvo obriga legal. Os datos facilitados conservaranse ata a finalización da tramitación da convocatoria. As persoas que participen na convocatoria teñen os dereitos a acceder, rectificar ou suprimir datos erróneos, solicitar a limitación do tratamento dos seus datos así como opoñerse ou retirar o consentimento e solicitar a portabilidade dos mesmos en calquera momento. Estes dereitos poderán exercerse perante as oficinas centrais da Deputación sitas na Av. Porto da Coruña, 2, 15003 A Coruña ou ben a través de medios electrónicos, dirixindo un correo ao enderezo [delegadodeprotecciondedatos@dacoruna.gal](mailto:delegadodeprotecciondedatos@dacoruna.gal). Pode consultar a política de privacidade da Deputación na dirección [//www.dacoruna.gal/avisos/politica-privacidade](http://www.dacoruna.gal/avisos/politica-privacidade).

**2º.-** Dispor a publicación das presentes bases no Boletín Oficial da Provincia.

**3º.-** Contabilizar o importe dos gastos derivados da convocatoria, que ascende a un total de 10.500 €, de acordo co seguinte detalle:

CONCEPTO	Aplicación orzamentaria	Importe	Documento contable RC
Premio	0612/3343/481	6.500,00	220190005731 (multiaplicación)
Honorarios xurado	0612/3343/22609	4.000,00	